

1. Thibaut de Champagne

*Pastourelle*¹

L'autrier par la matinee
Entre un bois et un vergier²
Une pastore ai³ trouvee⁴
Chantant por soi envoisier,
5 Et disoit un son premier:
"Ci me tient li maus⁵ d'amor."⁶
Tantost cele part m'en tor
Que je l'oi⁷ desresnier,⁸
Si li⁹ dis sanz delaier:¹⁰
10 "Bele, Deus vos dont¹¹ bon jor!"

Mon salu sanz demoree
Me rendi et sanz targier.
Mult ert fresche et coloree,
Si m'i plot¹² a acointier:
15 "Bele, vostre amor vous qier,¹³
S'avroiz de moi riche ator."
Ele respont: "Tricheor¹⁴
Sont més trop li chevalier.¹⁵
Melz aim Perrin,¹⁶ mon bergier,
20 Que riche homme menteor!"